

- 198** Staðfesting forsetans á skipulagsskrá fyrir „Skrúðgarðasjóð Reykjahrepps“, út-
21. nóv. gefin á venjulegan hátt að mandatum af dómsmálaráðherra 21. nóv. 1951.
Skipulagsskráin er þannig:

SKIPULAGSSKRÁ

fyrir Skrúðgarðasjóð Reykjahrepps.

1. gr.

Sjóðurinn er stofnaður af hjónunum Sigríði Stefánsdóttur og Baldvin Friðlaugssyni á Hveravöllum í tilefni af sjötugsafmæli þeirra.

2. gr.

Eign sjóðsins er nú samtals kr. 10077.48. Þar af kr. 10000.00 í tveim Laxárvirkjunarskuldbréfum.

Stofnfé þetta ásamt öðrum tekjum, sem sjóðnum kunna að hlotnast, má aldrei skerða, nema um vexti að því leyti, sem heimilað er síðar í þessari skipulagsskrá.

3. gr.

Aðalhlutverk sjóðsins er að hvetja íbúa Reykjahrepps og styrkja þá til að rækta við heimili sín skrúðgarða, sem séu til fyrirmyndar, að því er girðingar og alla umhirðu snertir.

4. gr.

Þegar skuldabréf Laxárvirkjunarinnar fara að gefa vexti, má verja $\frac{1}{2}$ vöxtunum:

- a. til að fá hæfan mann til þess að gera skipulagsupprætti að skrúðgörðum fyrir þá, sem þess óska;
- b. til þess að taka þátt í kostnaði við vandaðar girðingar um skrúðgarða;
- c. til þess að kaupa trjáplöntur til gróðursetningar í þessa garða;
- d. til að verðlauna þá, sem komið hafa upp hjá sér fyrirmyndar skrúðgarði, og má verðlaunaupphæð ekki vera minni en 200.00 kr. fyrir hvern garð.

5. gr.

Hreppsnefnd Reykjahrepps skipar stjórn sjóðsins og endurskoðendur hreppsreikninga eru endurskoðendur sjóðsins. Breytist stærð Reykjahrepps eða skipulag hans frá því, sem nú er, skal áhrifasvæði sjóðsins þó jafnan vera byggðin frá Kaldbak fram í Brekknakot.

6. gr.

Reikningsár sjóðsins er almanaksárið. Reikningar hans skulu færðir í gerðabók, sem stjórn hans löggildir. Enn fremur skulu í bókina færðar allar fundargerðir sjóðstjórnarinnar og ákvarðanir, sem hún tekur, sjóðnum viðvíkjandi.

7. gr.

Þegar skuldabréf sjóðsins hjá Laxárvirkjuninni koma til útborgunar, skal verð þeirra lagt inn í Búnaðarbanka Íslands. Skulu $\frac{1}{2}$ vextir jafnan leggjast þar við höfuðstólinn, þar til hann er orðinn 20 þús. kr., en síðan $\frac{1}{4}$ þeirra.

Að öðru leyti skal sjóðurinn geymdur í sparisjóði í Húsavík í viðskiptabók.

8. gr.

Stjórn sjóðsins er í sjálfsvald sett, hvort hún áskilur að sótt sé um styrk eða viðurkenningu úr sjóðnum vegna ræktunar skrúðgarða eða hún veitir það eftir eigin frumkvæði, að vel athuguðu máli.

Enn fremur er henni í sjálfsvald sett, hvort hún úthlutar árlega því fé, sem handbært er eða lætur falla úr röð eitt eða fleiri ár, ef ekkert er aðkallandi í þessu efni.

9. gr.

Þegar sjóðurinn er tekinn til starfa, ber stjórn hans að hafa samband við afkomendur stofnenda hans og hlutast til, ef þörf gerist, að trjágróður sé ræktaður í grafreit stofnenda sjóðsins og honum sýnd fullkomin umhirða. Nauðsynlegan kostnað við gróðursetningu og hirðingu grafreitsins má greiða af óbundnum vöxtum sjóðsins.

10. gr.

Leita skal staðfestingar á skipulagsskrá þessari og hún birt í B-deild Stjórnartíðindanna.

GJALDSKRÁ OG REGLUR

199

23. nóv.

fyrir landssímann.

I. KAFLI

Gjaldskrá fyrir talsímanotendur í kaupstöðum og kaптúnum utan Reykjavíkur, Hafnarfjarðar og Akureyrar.

A. Stofngjald.

1. Fyrir hvert talfæri	kr. 800.00
2. — aukabjöllu	— 160.00
3. — tengikvísl	— 200.00

Ofanefnd gjöld eru lágmarksgjöld. Ef nýlagnir krefjast tiltölulega mikils kostnaðar að dómi póst- og símamálastjórnarinnar, svo sem vegna nýrra staura, nýrra jarðstrengja, nýs skiptiborðs eða rúmleysis á stauraröðum eða í stöðvarskiptiborðum, verða gjöldin ákveðin af póst- og símamálastjórninni í hvert skipti.

Stofngjöldin greiðast fyrir fram og í síðasta lagi um leið og síminn er tengdur í samband.

B. Árlegt afnotagjald.

I. Stöðvar, sem hafa færri en 150 notendur.

1. Fyrir 1 línu með 1 talfæri	kr. 700.00
2. — 1 línu með 2 talfærum í sama húsi	— 1040.00
3. — hvert talfæri fram yfir 2 í sama húsi og á sömu línu	— 340.00
4. — 1 línu með 2 talfærum í 2 húsum	— 1200.00
(þegar stutt er á milli, ef leyft verður).	
5. — vanalega aukabjöllu í sambandi við talfæri	— 88.00
6. — stóra aukabjöllu í sambandi við talfæri	— 140.00
7. — aukaheyrnartól	— 52.00
8. — tengikvísl	— 104.00

Heimili póst- og símamálastjórnin að 1. fl. B. stöð sé opin lengur en hinn venjulega rekstrartíma, greiði notendur eða hreppsfélagið helming aukinnar starfsmannaþóknunar fram til kl. 22 og $\frac{3}{4}$ kostnaðar eftir þann tíma.

II. Stöðvar, sem hafa 150 notendur eða fleiri.

	Stöðin opin		Allan sólar- hringinn
	kl. 8—21	kl. 8—24	
1. Fyrir 1 línu með 1 talfæri	700.00	780.00	860.00
2. — 1 línu með 2 talfærum í sama húsi	1040.00	1140.00	1280.00
3. — hvert talfæri fram yfir 2 í sama húsi	340.00	380.00	420.00
4. — 1 línu með 2 talfærum í 2 húsum	1200.00	1340.00	1450.00
(þegar stutt er á milli, ef leyft verður).			